

Op vrijdag 19 meie: biezunder symposium over Stellingwarf 1517 – 2017



Et van oorsprong venestroompien De Riete bij Boekelte is al van 1517 of de greens tussen Oost- en West-Stellingwarf. Op 'e foto zien jim him uutkommen in De Lende. De foto is maekt vanof et grondgebied van Ni'jberkoop; we kieken uut op Boekelte. Links, an de ere kaante van De Lende is nog krek een tippien Elsiger grond te zien (foto: Sietske Bloemhoff)

In een saemenwarkingsverbaand van de Stichting Stellingwarver Schrieversronte, de Historische Vereniging Appelscha e.o., de Historische Vereniging Oosterwolde e.o. en de Vereniging Historie Weststellingwerf e.o. wodt op zaoterdag 19 meie in Berkoop et Symposium 1517 – 2017 holen. Dit symposium wodt orgeniseerd omreden et van 't jaor op 'e kop of 500 honderd jaor leden is dat et gebied Stellingwarf in twee grieteni'jen verdiel wodde. Die twee grieteni'jen zollen de laeter gemienten Oost- en West-Stellingwarf hieten gaon.

Tiedens dit biezundere symposium zal d'r in vier inleidings ommedaenken wezen veur de periode rond 1500–1517 en wat daor laeter uut votkommen zol.

De eerste inleiding het as (wark)titel: 'Twee-eenheid, vijfhonderd jaor Oost- en Weststellingwerf'; deur dr. Meindert Schroor.

Veur de twiede inleiding zorgt dr. Henk Bloemhoff. De (wark)titel van zien inleiding is 'Oost en West 1517 – 1550: in de spiegel van vroege bestuurlike teksten'

Anslutend zal et eerste exemplaor van een bundel over de eerste, nog beweerd bleven, bestuurlike stokken uutrikt wodden an burgemeester Harry Oosterman van Oost-Stellingwarf. Veur et schoft is d'r een optreden van et duo Marianta mit meziek uut de Middelleuwen en daornao.

'De familie Lycklama à Nijeholt en de OWO gemeenten. Machts- en huwelijkspolitiek'; dat is de (wark)titel van Jelle Terluin uut Beetsterzwaog.

De vierde en laeste inleiding wodt verzorgd deur perf. dr. Michiel Herweijer. 'Gelaagde identiteit en modernisering: ontwikkelingen in de Stellingwerven vanaf de jaren vijftig' is de (wark)titel van zien lezing.

Nao elke lezing is d'r gelegenheid tot et stellen van vraogen. Dagveurzitter is Ype Dijkstra, oold-veurzitter van de Stellingwarver Schrieversronte.

Et pergramme is tegen 17.30 ure oflopen; d'r is dan nog tied veur een gezellige naozit mit een happien en een draankien.

De intree veur et symposium is € 10,00. Veur leden van alle historische verienings en dörpsarchieven in en buten Stellingwarf omme gelt (bi'j risserveren veurof) liekewel de speciaole toegangspries € 7,50. Daor bin koffie, thee mit een traktaosie, een hattelike biet in et schoft en nao ofloop bi'j inbegrepen.

Plak: MFA, Willinge Prinsstraote 18c, Berkoop

Daotum: vrijdag 19 meie

Tied: Vanof 13.00 ure inloop mit koffie/thee, et pergramme begint om 13.30 ure

Risserveren: Stellingwarver Schrieversronte, t/m donderdag 11 meie. (info@stellingwarfs.nl, 0516-451108 (van maendag t/m donderdag tussen 9 ure en 16.00 ure). Betaelen kan allieend kontant op 19 meie bi'j binnenkomst.



Behalven veur een optreden zorgt Marianta ok veur meziek bi'j de naozit (foto: Cees van Alten)